

AD S. D. N.
SIXTVM QVINTVM
PONT. MAX.

PHILIPPI II. POTENTISSIMI
HISPANIARVM ET INDIARVM
REGIS CATHOLICI NOMINE

Obedientiam pręstante Illustrissimo & Excellentissimo Viro
IOANNE FERNANDEZ DE VELASCO Magno
Castellę Comestabili, Duce Frias Comiteq. Haro.

*Oratio habitada IOSEPHO STEPHANO Valentino Doctore
Theologo Canonico & Operario Ecclesia Segobricensis.
V. Id. Mar. M. D. LXXXVI.*



ROMAE, Apud Ioannem Martinellum Parmen. 1587.
PERMISSV SVPERIORVM.

AD A.D. 1700
SIXTH MONTH
BONT MAX

WILLIAM THE FIRST
KING OF GREAT BRITAIN
AND OF IRELAND
BY HIS MAJESTY'S
COMMANDEMENT
PRINTED BY J. STURGEON
IN THE CITY OF LONDON
1700



Printed by J. Sturgeon in the City of London
1700



VM primum Dei immortalis beneficio ac munere, & huius sacri Senatus iudicio atque consensu, BEATISSIME PATER, summam hanc totius Ecclesie prouinciam, te suscepisse cognouit PHILIPPVS HISPANIARVM Rex Catholicus, gratulatus est orbi, cuius ad salutem electus fuisti; gratulatus religioni, cui reddes pristinam dignitatem; gratulatus Italix, quam in otio & quiete seruadis; gratulatus prouincijs, quas ab hereticorum vastatione laceratas, in hoc ruentis ad deteriora seculi cursu defendes; denique gratulatus Hispanix, in qua multarum prouinciarum opes ac praesidia conquiescunt. Quae omnia cum summa sint, nullum credo lumen eris tam praestantis ingenij, nulla tam copiosa ad dicendum & ornandum oratio, quae publicam hanc laetitiam, omnium oculis animisque contentam posset exprimere, nisi tuus iste conspectus multo ornatissimus, me ad spem dicendi erigeret, & haec totius orbis alacritas campum latissimum daret, ut in eo liberius excurram. Nam cum dies felicissimus orbi terrarum illuxerit, in quo te Deus summus ad beatum huius ECCLESIAE culmen euexit, salutarem quidem vniuersis, & optabilem principatum, hoc praclaro SIXTI nomine auspicatus es; quo excitatis ad memoriam superioris aetatis omnibus ordinibus, usque adeo ex illius recordatione carus populus, carus principibus existis, ut omnes non solum titulo, sed vitae quoque honestate ac magnitudine animi, magnos illos atque excelsos huius nominis Pontifices, sibi redditos iudicent. Amat certe multitudo maiorum honestatem, conciliant principum animos vel felicia illa auspicia, quibus solent inaugurari Pontifices; permouet mentes ac voluntates sanctissimorum hominum recordatio; quae cum a te & nomine & motibus renouatur, iam quidem illos in sanctorum coetu ac numero repositos huius nominis Pontifices, tui causa nobis praesentes ac propitios credimus. Quod felix auspiciis, praeter veterem consuetudinem ab Hispanix regibus repetitam ac relatum etiam fuit in causa, quam ob rem PHILIPPVS potentissimus Rex, ut suae dignitati & huius sanctae Sedis amplitudini responderet, hunc Illustrissimum & Excellentissimum virum IOANNEM Fernandez de Velasco magnum Castellae Comestabilem, Ducem Frias, ac Regij cubiculi Praefectum, maiorum quidem suorum laude praestantem, sed magis in hanc sanctam Sedem pietatis studio inflammatum transfuderit, ut incredibilem illam quam cepit ex tui electione voluptatem, ille tamquam praesens, per hunc suum Oratorem exprimeret.

Habent enim Hispaniarum Reges, & cum eis vniuersa prouincia, praeter militarem virtutem ac laudem, qua maxime nobilitantur, insitam ac quasi innatam fidei pietatem, per quam omnia suscepta consilia ad hanc sanctam referunt Sedem, ut in ea tamquam in firmissimis totius regni viribus ac munimentis insistant. Quae pietas a cum a Iacobo primum & Paulo Apostolorum columinis

*Isidor. de vi
sa & mor.
san. cap. 71.*

num recordationem, maiorem Hispano nomini peperit gloriam? Quis vel per legatos plura bella confecit? Quis plures vrbes partim vi, partim oblatione cepit? Quis hereticos vt Romanæ fidei restitueret, iuamini conatu expulit, eiecit, oppressit? Quis vltra terminos rerum, metasque naturæ huius sanctæ Sedis fidem extendit, vt ad illos primæ lucis incolæ, & in ipsum si quod Soli cubile est, Euangelij prædicatio festinaret? Calcauit, calcauit iam tumentes ac sequentes vndas omnes Oceani, iam PHILIPPUS potentiam maris vada contremuit: iam ab eo victa elementa cesserunt.

Sed mitto nunc nauigationes, pugnasque nauales: prætereo expugnationes oppidorum, & prouinciarum fidei potissimum causa susceptas: venio ad ea quæ nostra sunt, id est, Hispaniæ præsentia, quæ quia præsentia, & quasi omnium manibus iactata & excussa, breui commemoratione percurram. Adiecit igitur vel potius sue ditioni restituit Lusitanæ Regnum amplissimum, quod ex legitimo & hereditario iure suscepit, omniaque impedimēta virtute industriaque superauit. Ocea num præterea incursionem præpeditum ac præclusum aperuit, Orientem cum Occidente coniunxit, & cæli marginibus suum imperium terminauit. Hæc quidē summa ac felicissima sunt, illud tamen in maximam sue felicitatis partem ducit PHILIPPVS, quod te SIXTVM V. felicem Pontificem videtis, a quo totius orbis salus, Hispaniæ vero decus & ornamentum, prouinciarum omnium incolumitas expectanda est.

Enimvero si remur memotiam vltimam reperamus, semper sub huius nominis Pontificibus multa Hispaniæ fausta & fortunata acciderunt. Nam sub SIXTO primo cum imperium teneret Hadrianus Augustus Italice in Hispania ortus, illa fecundissimis auspiciis, vacinatio a fatidica puella prænuntiata, veritatem obrinuit, oriturum quandoque e Hispania principem dominumque rerum.

Sub Sixto secundo, qui Hispanos epistolis instituit, Laurentius martyr non solum prouinciam, in qua ortus & educatus erat, nobilitauit, sed etiam hic Romæ proprii sanguinis prodigus, monstrosi Dijs fidei iugum imposuit. Cuius quidem erga S. SIXTVM PONT. pietas, fletus, studium mortis intentius, ne a parentis latere diuelleretur, satis aperte indicabant, futuros aliquando Hispanos, qui nullas defugerent vitæ dimicationes, vt hanc sanctam Sedem proprio etiam cruore defenderent. Sub Sixto tertio, Turismundus Hispaniæ Rex Attilam, qui omnia humana atque diuina impurissimo scelere commacula uerat ea aggressus est virtute, vt illius deleuit exercitum. Sixtus quartus, Catholicum nomen quod nostrorum Regum est proprium, & in concilijs Toletanis institutum, & ab Ildefonso primo propagatum, huius sanctæ Sedis auctoritate Ferdinando & Elizabethæ ad indicandam eorum fidei pietatem, confirmauit; Sanctæ Inquisitionis officium instituit, sub quo non patitur Hispania illos fluctus & turbines, quibus multæ prouinciæ, magna & miserrima fortunatarum & fidei naufragia pertulerunt. Quid igitur ab Optimo & religiosissimo Pontifice, & vitæ sanctitate, & doctrina mirabili expectandum erit? Quid nunc a PHILIPPO sub tali Pontifice, & virtutis & landis exigendum? Habes, habes SIXTE QVINTE PHILIPPVM Laurentij imitorem, cui templa amplissima erigit, huius sanctæ Sedis & tui nominis studio inflammatum, alterum Constantinum, alterum Theodosium, vt pro fide & religione opes vitæque profundat. Habes hic genu nixum, a te diuina atque cælestia

*Metaphra-
ses.
Prudentius
Perislopha.*

*Isidorus in
chronica Go-
thorum era
467.*

Ab hoc loco usq. in finē Oratores genuflexi persisterunt.
 oracula postulantem, qui ut suæ religionis & fidei studio satisfaciatur, tum pater-
 nę pietati, per hos suos oratores, **CVLTVM, OBSEQVIVM, RE-**
VERENTIAM ET OBEDIENTIAM, quam Catholici Princi-
 pes huic sanctę Sedi exhibere solent, summo studio exhibet, summa pietate de-
 fert, tibi que legitimo B. Petri Apostolorum principis successori, & tuque
 omnia regna, prouincias, opes amplissimas sua sponte submittit atq;
 offert, ut semper id quod modo pollicetur, eximia
 ac singulari virtute perficiat.

DIXI.



ANTONII